

**Mendiang Tun Dr Lim Keng Yaik Diberi Penghormatan Negara
Bernama
26 Disember, 2012**

PETALING JAYA, 26 Dis (Bernama) -- Bekas Presiden Gerakan Tun Dr Lim Keng Yaik diberi penghormatan negara dengan perarakan keranda mendiang bermula kira-kira pukul 10.30 pagi ini dari kediamannya di Tropicana Golf and Country Resort.

Perarakan bermula dengan keranda mendiang, yang dibaluti Jalur Gemilang, diusung perlahan-lahan oleh anggota dari Bahagian Istiadat Angkatan Tentera Malaysia ke dalam kereta.

Perarakan sejauh kira-kira 50km itu melalui Menara PGRM yang menempatkan ibu pejabat parti Gerakan di Cheras menuju ke Krematorium Cheras.

Kira-kira 1,000 orang hadir di kediaman mendiang untuk memberikan penghormatan terakhir.

Selain anggota keluarga dan sahabat-handai, turut menyertai perarakan itu ialah Presiden Gerakan yang juga Menteri di Jabatan Perdana Menteri Tan Sri Dr Koh Tsu Koon, Naib Presiden Gerakan Datuk Mah Siew Keong dan A.Kohilan Pillay.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=917557>